

2 января, Праведный Иоанн Кронштадтский, пресвитер ВЕЛИКАЯ ВЕЧЕРНЯ (СОКРАЩЕННАЯ)

По окончании 9-го часа священник произносит начальный возглас:

Благословен Бог наш всегда, ныне и присно, и во веки веков.

Чтец: Аминь.

Приидите, поклонимся Цареву нашему Богу.

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 103

Благослови, душе моя, Господа. Господи, Боже мой, возвеличился еси зело. Во исповедание и в велелепоту облелся еси. Одейся светом, яко ризою, простираяй небо, яко кожу. Покрываяй водами превиспренность Свою, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды камня дадут глас. Напаяяй горы от превиспренных Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокая еленем, камень прибежище зайцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающи, восхитити и взыскати от Бога пищу себе. Возсия солнце и обратася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают,

2 января, Праведный Иоанн Кронштадтский, пресвитер

змий сей, егѡже создѡл еси ругѡтисѡ ему. Вся к Тебѣ чают, дѡти пищу им во благо время. Дѡвшу Тебѣ им соберут, отвѣрзшу Тебѣ руку всяческая исполняются благодости, отвращшу же Тебѣ лице, возьмутся, отъимеши дух их, и исчезнут, и в персть свою возвратятся. Послеши Духа Твоего, и созиждутся, и обновishi лице земли. Буди слава Господня во веки, возвеселится Господь о дѣлах Своих, призирая на землю, и творяя ю трястися, прикасаяся горам, и дымятся. Воспою Господеву в животѣ моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грѣшницы от земли, и беззаконницы, якоже не быти им. Благослови, душе моя, Господа.

Солнце позна запад свой. Положил еси тму, и бысть ночь. Яко возвеличишася дела Твоя, Господи, вся премудростию сотворил еси.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже *(Трижды)*.

Ектения великая

Диакон: Миром Господу помолимся.

Лик: Господи, помилуй *(на каждое прошение)*.

Диакон: О свѣшнем мире и спасѣнии душ наших, Господу помолимся
и прошения по чину.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянуvше, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко подобает Тебе всякая слава, честь и поклонение, Отцу, и Сыну, и Святому Духу, ныне и присно, и во веки веков.

Лик: Аминь.

Кафизма 1

Лик: Блажен муж, иже не иде на совет нечестивых.

Яко вѣсть Господь путь праведных, и путь нечестивых погибнет./ Аллилуиа, аллилуиа, аллилуиа, слава Тебе Боже.

2 января, Праведный Иоанн Кронштадтский, пресвитер

Работайте Господеви со страхом, и радуйтесь Ему со трепетом./ Аллилуиа, аллилуиа, аллилуиа, слава Тебе Боже.

Блажени вси надеющиися Нань. Воскресни, Господи, спаси мя, Боже мой./ Аллилуиа, аллилуиа, аллилуиа, слава Тебе Боже.

Господне есть спасение, и на людех Твоих благословение Твое./ Аллилуиа, аллилуиа, аллилуиа, слава Тебе Боже.

Слава Отцу и Сыну и Святому Духу, и ныне и присно, и во веки веков./ Амнь. Аллилуиа, аллилуиа, аллилуиа, слава Тебе Боже.

**Аллилуиа, аллилуиа, аллилуиа, слава Тебе Боже.
(Трижды)**

Ектения малая

Диакон: Паки и паки, миром Господу помолимся.

Лик: Господи, помилуй.

Заступи, спаси, помилуй и сохрани нас, Боже, Твоею благодатью.

Лик: Господи, помилуй.

Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувше, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко Твоя держава, и Твое есть царство, и сила, и слава, Отца и Сына и Святаго Духа, ныне, и присно, и во веки веков.

Лик: Амнь.

Стихиры на «Господи, воззвах»

2 января, Праведный Иоанн Кронштадтский, пресвитер

Канонарх: Глас 1, Гóсподи, воззвáх к Тебé, услýши мя.

Гóсподи, воззвáх к Тебé, услýши мя./ Услýши мя, Гóсподи. Гóсподи, воззвáх к Тебé, услýши мя:/ вонмí глáсу молéния моегó, / внегдá воззвáти ми к Тебé.// Услýши мя, Гóсподи.

Да испрáвится молíтва моя,/ я́ко кадíло пред Тобóю,/ воздея́ние рукú моéю/ – жéртва вечéрняя.// Услýши мя, Гóсподи.

Предпразднство Рождества Христова на 3

На 6, стих: А́ще беззакóния нáзриши, Гóсподи, Гóсподи, кто постоíт? / Я́ко у Тебé очищéние есть.

Предпразднуим, лю́дие, Христóво Рождествó,/ и, вознéсше ум к Вифлеéму, вознесéмся мýслию,/ и усмотрíм Дéву душéвными очесý,/ идúщую родíти в вертéпе всех Гóспода и Бóга нáшего./ Егóже Ио́сиф вíдев чудéс вели́чество,/ мнýше челове́ка зрéти,/ я́ко младéнца, пеленáми повивáема,/ поразумевáше же от вещьéй Бóга бýти йстиннаго,/ подаю́щаго душáм нáшим вéлию мíлость./ Ихже рáди нам дáруй очищéние,// я́ко Челове́колюбец.

Стих: И́мене рáди Твоегó потерпéх Тя, Гóсподи, потерпé душá моя в слóво Твоé /

уповá душá моя на Гóспода.

Предпразднуим, лю́дие, Христóво Рождествó,/ и, ум вознéсше к Вифлеéму, вознесéмся мýслию,/ и ўзрим в вертéпе вéлие та́инство:/ отвéрзеса бо Едéм/ от Дéвы Чíстыя Бóгу происходя́щу,/ совершён Сый тойжде в Божествé и челове́честве./ Тёмже воззовéм:/ Святы́й Бóже – О́тче Безначáльный,/ Святы́й Кре́пкий – Сы́не Воплотí-

2 января, Праведный Иоанн Кронштадтский, пресвитер

**выйся,/ Святы́й Безсме́ртный – Уте́шительный Ду́ше://
Тро́ице Свята́я, сла́ва Тебе́.**

На 4, стих: От стра́жи у́тренния до но́щи, от стра́жи у́тренния, /
да упова́ет Изра́иль на Го́спода.

**Слы́ши, Не́бо, и внуши́, землѐ:// се бо Сын и Сло́во Бо́га и
Отца́/ прихóдит роді́тися от Отрокови́цы Неискусому́ж-
ныя/ благоволе́нием роді́вшаго Его́ безстра́стно/ и со-
де́йством Свята́го Ду́ха./ Вифле́еме, гото́вися, отве́рзи
врата́, Еде́ме,/ я́ко Сый быва́ет, е́же не бе,/ и Соде́тель
всея́ тва́ри назидáется,// пода́й ми́ру ве́лию ми́лость.**

св. прав. Иоанна Кронштадтскаго на 3, Глас 6.

Стих: Я́ко у Го́спода ми́лость, и мно́гое у Него́ избавле́ние,
и То́й изба́вит Изра́иля от все́х беззакóний его́.

**Единоро́днаго Сы́на Бо́жия возлюбил еси́,/ и Тому́ Едино-
му служи́ти возжелéл еси́,/ свя́те Иоáнне,/ Емуже́ вве́рил-
ся еси́, глаго́ля:// жи́знь моя́ во Христé есть./ Сего́ ра́ди
потща́лся еси́/ вся ко благоугождéнию Го́сподеви// и
му́дрствовати, и де́яти.**

На 2, стих: Хвалі́те Го́спода все́ язы́цы, /
похвалі́те Его́ все́ лю́дие.

**Моли́твенника те́плаго/ и благодáтнаго па́стыря ви́дим тя,
о́тче Иоáнне,/ мно́зем бо лю́дем, к тебе́ притека́ющим,/ яв-
ляеши в ско́рбех утеше́ние,/ в недúзех много́различных
исцелéние,/ в ну́ждах сущим и стра́ждущим/ прі́сное
вспоможéние// и до ны́не в чудодéйствиих не оскудева́е-
ши.**

Стих: Я́ко утверди́ся ми́лость Его́ на нас, /
и і́стина Госпо́дня пребыва́ет во ве́к.

2 января, Праведный Иоанн Кронштадтский, пресвитер

Лэствицею добродéтелей шéствуюя,/ дéлатель нелéност-
ный/ вертогра́да Госпóдня яв́ился еси́, óтче Иоáнне,/ от
úтра ж́изни да́же до послéдняго ча́са/ дóбре потруд́ился
еси́./ Та́ко и нас мол́итвенно укреп́и// Го́сподеви рабóтати.

Слава , глас 6.

Сла́ва Отцу́, и Сы́ну, и Свято́му Ду́ху.

Селéния святýх насле́довал еси́,/ óтче Иоáнне пра́ведне,/ во свéте лица́ Бо́жия/ зри́ши ну́жды с véрою притека́ю-
щих к тебе́,/ коему́ждо потре́бная я́же ко спасéнию пода-
ва́я./ Сего́ ра́ди и мы,/ на по́мощь твою́ упова́юще, мо́лим-
ся:/ моли́ Христа́ Бо́га// спасти́ся душа́м нашим.

И ныне, глас 8:

И ны́не, и пр́исно, и во ве́ки веко́в. Ами́нь.

Восприми́, Вифле́еме, Бо́жию митропо́лию,/ Свет бо
незаход́имый в тебе́ род́иться прихóдит./ А́нгели,
удив́итесь на Небеси́,/ челове́цы, просла́вите на земли́,/ во
лсви́, от Перси́ды пресла́вный дар принес́ите,/ па́стырие,
сви́ряюще, трисвято́е пéние сла́дце воспóйте://
вся́кое дыха́ние да хва́лит Вседéтеля.

Вечерняя песнь Сыну Божию

Свéте Т́хий святýя сла́вы,/ Безсме́ртнаго, Отца́ Небе́сна-
го,/ Свята́го Блаже́ннаго, Иису́се Христé./ Прише́дше на
за́пад со́лнца,/ ви́девше свет вече́рний,/ поём Отца́, Сы́на
и Свята́го Ду́ха, Бо́га./ Досто́ин еси́ во вся времена́/ пéт
бы́ти гла́сы преподо́бными,/ Сы́не Бо́жий, живóт да́й,//
те́мже ми́р Тя сла́вит.

2 января, Праведный Иоанн Кронштадтский, пресвитер

Диакон: Воннем.

Священник: Мир всем.

Лик: И дүхови твоёмү.

Прокимен

В четверток вечера, глас 6:

Диакон: Премудрость. Воннем. Прокимен, глас 6.

Помощь моя от Господа, / сотворшаго небо и землю.

Лик: Помощь моя от Господа, / сотворшаго небо и землю.

Диакон: Возведох очи мои в горы, отнюдуже приидет помощь моя.

Лик: Помощь моя от Господа, / сотворшаго небо и землю.

Диакон: Помощь моя от Господа, /

Лик: сотворшаго небо и землю.

В черверг вечера. Глас 6

Помощь моя от Господа, сотворшаго небо и землю.

Чтение паремий

Диакон: Премудрость.

Чтец: Пророчества Исаиина чтение

Диакон: Воннем.

Чтец: Праведных души в руке Божией, и не прикоснется их мука. Нещевани быша во очесех безумных умерети, и вменися озлобление их, и еже от нас шествие сокрушение, они же суть в мире. Ибо пред лицем человеческим аще и муку примут, упование их безсмертия исполнено. И в мале наказани бывше, великими благодетельствовани будут, яко Бог искуси я и обрете их достойны Себе. Яко злато в горниле, искуси их и, яко всеплодие жертвенное, прият я. И во время посещения их возсияют и, яко искры по стевлюю, потекут. Судят языком, и обладают людми, и воцарится Господь в них во веки. Надлежащие

2 января, Праведный Иоанн Кронштадтский, пресвитер

Нань разумѣют истину, и вѣрнии в любви пребудут Ему. Яко благодать и милость в преподобных Его, и посещение во избранных Его.

Диакон: Премудрость.

Чтец: Премудрости Соломоновы чтение

Диакон: Вонмем.

Чтец: Праведницы во веки живут, и в Господе мзда их, и попечение их у Вышняго. Сего ради примут Царствие благолепия и венец доброты от руки Господни, зане десницею покрывает я и мышцею защитит их. Приимет всеоружие рвение Свои вооружит тварь в месть врагом. Облечется в броня правды и возложит шлем, суд нелицемерен. Приимет щит непобедимый, преподобие. Поострит же напрасный гнев во оружие; споборет же с ним мир на безумных. Пойдут праволучныя стрелы молниины и, яко от благокругла лука облаков, на намерение полетят. И от каменометных ярости исполнь падут грады, вознегодует на них вода морская, реки же потопят я нагло. Спротив станет им дух силы и, яко вихор, развеет их и опустошит всю землю беззаконие, и злодейство превратит престолы сильных. Слышите убо, царие, и разумейте, навикните судий концев земли. Внушите, держащие множества и гордящиеся о народах языков, яко дана есть от Господа держава вам и сила от Вышняго.

Диакон: Премудрость.

Чтец: Премудрости Соломоновы чтение

Диакон: Вонмем.

Чтец: Праведник, аще постигнет скончатися, в покои будет: старость бо честна не многолетна, ниже в числе лет исчитается. Седина же есть мудрость человеком, и возраст старости житие нескверно. Благоугоден Богу быв, возлюблен бысть, и живый посреде грешник представлен бысть, восхищен бысть, да не злоба изменит разума его или леть прельстит душу его. Рачение бо злобы помрачает добрая и парение похоти пременяет ум незлобив. Скончався в мале, исполни лета долга, угодна бо бе Господеви душа его, сего ради потщася от среды лукавствия. Люди же видевше и не разумевше, ниже положивше в помышлении таковоме, яко благодать и милость в преподобных Его и посещение во избранных Его.

Сугубая ектения

Диакон: Рцем вси от всея души, и от всего помышления нашего рцем.

2 января, Праведный Иоанн Кронштадтский, пресвитер

Лик: Гóсподи, помíлуй.

Диакон: Гóсподи Вседержíтелю, Бóже отéц нáших, мóлим Ти ся, услыши и помíлуй.

Лик: Гóсподи, помíлуй.

Диакон: Помíлуй нас, Бóже, по вели́цей мíлости Твоéй, мóлим Ти ся, услыши и помíлуй.

Лик: Гóсподи, помíлуй (*трижды*).

Священник: Яко Мíлостив и Человеколю́бец Бог есí, и Тебé сла́ву возсыла́ем, Отцú и Сýну и Свято́му Дúху, ны́не и прíсно и во ве́ки веко́в.

Лик: Амíнь.

Молитва при наступлении вечера

Лик: Сподóби, Гóсподи, в вéчер сей без грехá сохранíтися нам./ Благословéн есí, Гóсподи Бóже отéц нáших,/ и хва́льно и просла́влено íмя Твоé во ве́ки, амíнь./

Бúди, Гóсподи, мíлость Тво́я на нас, я́коже упова́хом на Тя./ Благословéн есí, Гóсподи, научí мя оправд́анием Тво́им./ Благословéн есí, Влады́ко, вразумí мя оправд́анием Тво́им./ Благословéн есí, Святы́й, просветí мя оправд́ании Тво́ими./

Гóсподи, мíлость Тво́я во век, дел рукú Твоéю не прéзри./ Тебé подобáет хвалá. Тебé подобáет пéние,/ Тебé сла́ва подобáет, Отцú и Сýну и Свято́му Дúху, // ны́не и прíсно и во ве́ки веко́в. Амíнь.

Ектения просительная

Диакон: Испóлним вечернюю моли́тву нáшу Гóсподеви.

Лик: Гóсподи, помíлуй.

Диакон: Вéчера всего́ соверш́енна, свята́, мирна и безгрéшна у Гóспода прóсим.

Лик: Подáй, Гóсподи.

Диакон: Пресвяту́ю, Пречíстую, Преблагословéнную, Сла́вную Влады́чицу нáшу Богороди́цу и Присноде́ву Мари́ю со все́ми святы́ми помяну́вше, са́ми себе́ и друг дру́га, и весь живóт наш Хри́сту́ Бóгу преда́дим.

Лик: Тебé, Гóсподи.

2 января, Праведный Иоанн Кронштадтский, пресвитер

Священник: Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Амѣнь.

Священник: Мир всем.

Лик: И дѣхови твоему.

Диакон: Главѣ наша Господевѣ приклоним.

Лик: Тебѣ, Господи.

Священник: Буди держава Царствия Твоего благословена и препрославлена, Отца, и Сына, и Святаго Духа, ныне и присно, и во веки веков.

Лик: Амѣнь.

Стихиры на стиховне

Предпразднство Рождества Христова на 3

Канонарх: Глас 2, Се, время приближися спасения нашего, готовися, вертепе:

Се, время приближися спасения нашего, готовися, вертепе:/ Дева приближается, еже родити./ Вифлееме, землѣ Иудова,/ красуйся и веселися,/ яко из тебе возсия Господь наш./ Услышите, горы, и холми,/ и окрестныя страны Иудейския,/ яко грядет Христос,/ да спасет, егоже созда, человека, // яко Человеколюбец.

Стих: Бог от юга придет/ и Святыи из горы приосененныя чащи.

Вифлееме, землѣ Иудова,/ еже по плоти жителство,/ светло уготви Божественный вертеп,/ в немже Бог плотию раждается/ от Неискусомужныя Святыя Девы, // во еже спасти род наш.

Стих: Господи, услышах слух Твой и убояхся,/ Господи, разумех дела Твоя и ужасохся.

2 января, Праведный Иоанн Кронштадтский, пресвитер

Приидите вси, Христо́во Рождество́ ве́рно предпра́здну-
им/ и, мѣсленне пѣние, яко звезду́, предлага́юще,/ вол-
хво́в славосло́вия с па́стырьми возопи́м:/ при́де Спа-
се́ние челове́ком из де́вственных ложе́сн, // ве́рныя воз-
зыва́я.

Слава, глас 8:

Сла́ва Отцу́, и Сы́ну, и Свято́му Ду́ху

Еди́ному Бо́гу любо́вию прилепля́яся, свя́те Иоа́нне,/
прѣсно попече́ние о стра́ждущих и отвѣрженных имѣя,/
ско́рый помо́щник тем яви́лся еси́,/ сегó ра́ди си́ла благо-
да́ти Бо́жия/ содева́ет тобо́ю ве́лия чудеса́, // обраща́я не-
ве́рных к ве́ре во Христа́ и к жи́зни во сла́ву Бо́жию.

И ныне, глас 1:

и ны́не, и прѣсно, и во ве́ки веко́в. Ами́нь.

Предпра́зднуим, лю́дие, Христо́во Рождество́,/ и,
возне́сше ум к Вифле́ему,/ вознесѣмся мѣслию,/ и
усмо́трим Де́ву душе́вными очесы́,/ идущую роди́ти в
верте́пе всех Го́спода и Бо́га на́шего,/ Егóже Ио́сиф ви́дев
чудес ве́личество,/ мня́ше челове́ка зре́ти,/ яко младе́нца,
пелена́ми повива́ема,/ поразумева́ше же от веще́й Бо́га
бы́ти и́стиннаго, // пода́ющаго душáм на́шим ве́лию
ми́лость.

Молитва святого Симеона Богоприимца

Лик: Ны́не отпу́щаеши раба́ Твоего́, Влады́ко,/ по глаго́лу
Твоему́ с ми́ром:/ яко ви́деста о́чи мои́ спасе́ние Твое́,/

2 января, Праведный Иоанн Кронштадтский, пресвитер

эже еси уготóвал пред лицём всех людéй,/ свет во открово́ение язы́ков,// и сла́ву людéй Твои́х Изра́иля.

Чтец: Святы́й Бо́же, Святы́й Кре́пкий, Святы́й Безсме́ртный, поми́луй нас **(трижды)**.

Сла́ва Отцу́ и Сы́ну и Свято́му Ду́ху, и ны́не и прísно и во ве́ки веко́в. Ами́нь.

Пресвята́я Тро́ице, поми́луй нас; Го́споди, очисти́ грехи́ на́ша; Влады́ко, прости́ беззакóния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй **(трижды)**.

Сла́ва Отцу́ и Сы́ну и Свято́му Ду́ху, и ны́не и прísно и во ве́ки веко́в. Ами́нь.

О́тче наш, И́же еси́ на Небесéх! Да святíтся и́мя Твое́, да приидет Ца́рствие Твое́, да бу́дет во́ля Твоя́, я́ко на Небеси́, и на земл́и. Хлеб наш насущный даждь нам днесь; и оста́ви нам до́лги на́ша, я́коже и мы оставля́ем должникомó на́шим; и не введи́ нас во искуше́ние, но изба́ви нас от лука́ваго.

Священник: Я́ко Твое́ есть Ца́рство, и си́ла, и сла́ва, Отца́, и Сы́на, и Свята́го Ду́ха, ны́не и прísно, и во ве́ки веко́в.

Лик: Ами́нь.

Тропари

Тропарь св. прав. Иоанна Кронштадтскаго, глас 1:

Правосла́вныя ве́ры побóрнице,/ земли́ Росси́йския печальниче,/ па́стырем пра́вило и о́бразе ве́рным,/ пока́яния и жи́зни во Христé пропове́днице,/ Божéственных Таин благоговéйный служи́телю/ и дерзнове́нный о лю́дех моли́твенниче,/ о́тче пра́ведный Иоáнне,/ целите́лю и предивный чудотво́рче,/ гра́ду Кроншта́дту похвало́/ и Це́ркве на́шея украше́ние,/ моли́ всеблага́го Бо́га// умири́ти мир и спасти́ ду́ши на́ша.

2 января, Праведный Иоанн Кронштадтский, пресвитер

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Тропа́рь предпра́зднства Рожде́ства Христо́ва, глас 4:

**Гото́вися, Вифле́еме,/ отве́рзися всем, Еде́ме,/ красу́йся,
Евфра́фо,/ я́ко дре́во живота́ в верте́пе процвете́ от
Де́вы:/ рай бо О́ноя чре́во яви́ся мы́сленный,/ в нёмже
Божество́нный сад,/ от него́же я́дше, жи́ви бу́дем,/ не
я́коже Ада́м у́мрем.// Христо́с ражда́ется пре́жде па́дший
возста́вити о́браз.**

Диакон: Премудрость.

Лик: Благослови́.

Священник: Сый благословен Христо́с Бог наш, всегда́, ны́не и прісно и во ве́ки веко́в.

Лик: Ами́нь. Утверди́, Бо́же,/ святу́ю правосла́вную ве́ру,
правосла́вных христиа́н/ во век ве́ка.

Священник: Пресвята́я Богоро́дице, спаси́ нас.

Лик: Честне́йшую Херуви́м и сла́внейшую без сравне́ния
Серафи́м, без ислéния Бо́га Сло́ва ро́ждшую, су́щую Бо-
горо́дицу Тя велича́ем.

Священник: Сла́ва Тебе́, Христе́ Бо́же, упова́ние на́ше, сла́ва Тебе́.

Лик: Сла́ва Отцу́ и Сы́ну и Свято́му Ду́ху, и ны́не и прісно
и во ве́ки веко́в. Ами́нь. Го́споди, поми́луй **(трижды)**.
Благослови́. (илиВлыдыко, благослови)

Священник глаголет Отпуст

Христо́с Истинный Бог наш, моли́твами Пречи́стыя Своея́ Ма́тере,
предста́тельства честны́х Небе́сных Сил Безплóтных: святы́х сла́вных и
всехва́льных Апóстол, свт. Николая, архиепископа Мир Ликийских, Чудо-

2 января, Праведный Иоáнн Кронштадтский, пресвитер

творца, прор. Авваку́ма, святы́х пра́ведных Богооте́ц Иоакима и А́нны, и всех святы́х, поми́луеи и спасе́т нас, я́ко Благ и Человеколю́бец.

Многолетие

Лик: Вели́каго господи́на и отца́ на́шего Кири́лла,/ Святéйшаго Патри́арха Москóвскаго и всея́ Рýси,/ богохрани́мую страну́ на́шу Росси́йскую,/ настоя́теля, бра́тию и прихо́жан свята́го хра́ма сегó,/ и вся правосла́вныя христиа́ны,/ Го́споди, сохрани́ их на мно́гая léта.